

समा – 12:25 hrs.

<><><><><><>

PM -Vande Bharat

प्रधानमंत्री नरेन्द्र मोदी होर अज्ज पंजाब दे अमृतसर ते श्री माता वैष्णो देवी कटरा बश्कार “वंदे भारत एक्सप्रेस रेल” सेवा गी वर्चुअल ढंगे नै झंडी दस्सियै रम्भ करोआया। एह “वंदे भारत एक्सप्रेस रेल” हर हफ्ते मंगलवार गी छोड़ियै बाकी दे 6 दिन श्री वैष्णो देवी कटड़ा ते अमृतसर बश्कार फेरे ला करोग। तोंआई मुकामी लोकें श्री माता वैष्णो देवी कटरा ते अमृतसर बश्कार “वंदे भारत रेल” सेवा शुरु होने पर अपनी खुशी जाहिर कीती।

इसी इक तोहफा दस्सदे होई आक्खेया जे एदे कन्नै ना छड़ा सैलसफे गा बढ़ावा थहोग सगुआं यात्रा दे समें गी घट्ट करदे होई आरामदायक यात्रा दा अनुभव बी प्रदान करोग।

<><><><><><>

LG Sinha Interview

लैफ्टिनेंट गवर्नर मनोज सिन्हा होरें आक्खेया ऐ जे जम्मू-कश्मीर शांति, स्थिरता ते तरक्की दे इक नमैं जुग च दाखल होआ ऐ। इक निजी मीडिया चैनल कन्नै इंटरव्यू च एल.जी. होरें बुनियादी ढांचे, अर्थव्यवस्था ते सैलसफा च तेजी कन्नै होआ रदी तरक्की पर लौ पांदे होई आक्खेया जे एहदे कन्नै बसनीकें दे जीवन च सुधार होआ रदा ऐ। उनें श्री अमरनाथ यात्रा दे तीर्थ यात्रियें गी सैलसफा दे सच्चे राजदूत दे रूपा च सराहेया ते आक्खेया जे उन्दी तीर्थ यात्रा, सांस्कृतिक ते समाजिक एकता गी बढ़ावा दिन्दी ऐ। उनें आप्रेशन महादेव दी कामयाबी दी

सराहना कीती, जेदे दौरान पैहलगाम हमले च शामिल त्रंऊ आतंकवादियें गी ढेर करी दिता गया। लैफ्टिनेंट गवर्नर होरें आक्खेया जे एह फैसलाकुन कारवाई इक मजबूत सनेहा दिन्दी ऐ जे केन्द्र शासत प्रदेश च आतंकवाद गी दना बर्दाश्त नैई कीता जाग ते प्रशासन अपने सब्भनं नागरिकें आस्तै शांति समृद्धि ते बरोबरकी दे मौके हासल करने दी दिशा च अपने जतनं गी बरोबर जारी रक्खोग।

<><><><><><>

#### Kishtwar Encounter

किश्तवाड़ जिले दे दुल इलाके च अज्ज बड्डलै सवेला सुरक्षाबलें ते आतंकवादिएं बश्कार टाक्करा होआ। हासल होई दिएं खूफिया जानकारीएं दी बिनाह उप्पर सुरक्षाबलें आसेआ चलाए गेदे अभियान दरान एह टाक्करा शुरु होआ। सोशल मीडिया दी इक पोस्ट च फौज दी व्हाईट नाईट कोर नै दस्सेआ जे सुरक्षाबलें दा अभियान अजें जारी ऐ ते आतंकवादिएं दे सफाये लेई सुरक्षाबलें दे जोआन पूरी दलेरी ते मुस्तैदी कन्नै डटे दे न। होर ब्यौरे गी अजें बलगेया जा करदा ऐ।

<><><><><><>

#### Kishtwar Raids

आतंकवाद खलाफ इक बड्डी कार्रवाई दे तैहत जम्मू-कश्मीर पुलसै किश्तवाड़ च आतंकवादिएं कन्नै जुड़ी दिएं बक्ख-बक्ख थाहरें पर छापेमारी आहली कार्रवाई गी अंजाम दिता। किश्तवाड़ दे एस.एस.पी नरेश सिंह हुं'दे निर्देशों पर कार्रवाई करदे होई किश्तवाड़, छातरू, दच्छन, ते अथोली इलाकें च छापे मारे गे ते इस दरान आतंकवादिएं दे मददगारें दे ठिकानें गी निशाना बनाया

गेआ। इस कार्रवाई दा मकसद आतंकवादिएं गी मुकामी स्तर पर थहोने आहली मदाद ते खूफिया जानकारीएं गी रोकना हा।

<><><><><><>

#### Rana Water

जल शक्ति मैहकमे दे मंत्री जावेद अहमद राणा होरें आक्खेया ऐ जे सरकार जम्मू-कश्मीर दे हर घर च साफ-सुथरा पीने आहला पानी पुज्जाना यकीनी बनाने लेई वचने-बज्झी दी ऐ। जनाब राणा होरें ए गल्ल श्रीनगर च पानी दी सप्लाई बेहतर बनाने आस्तै निशात ते अलस्टेंग थाहरें पर पानी गी साफ करने आहले प्लाटें दे उब्बड़ा चुक्कने आहले कम्म दी समीक्षा करदे होई आक्खी। मंत्री होरें पीने आहले पानी दी दस्तेयाबी, ओदी सप्लाई ते चला रदे कम्में दा जायजा लैता। उनें परियोजनाएं गी बेल्ले सिर तोड़ चाढ़ने दे इलावा पानी गी साफ करने च इस्तेमाल होने आहली फिटकरी दी तुरत खरीद दा बी आहवान कीता।

<><><><><><>

#### Paperless Governance

जम्मू-कश्मीर प्रशासन नै सरकारी कम्मकाज गी बिजन कागद आहला यानि पूरी चाल्ली पेपर-लेस बनाने लेई कमर कस्सी लैती दी ऐ। मुख सचिव अटल डुल्लु होरें केन्द्र शासित प्रदेश दिएं सब्भनें 207 तैहसीलें च ई-आफिस दुए गेड़ गी अमल च आहने सरबन्धी तैयारिएं दा जायजा लैता। अजें तोहड़ी 95 इशारिया 2-8 फीसद यानि 20 जहार 517 यूज़र्स, 95 इशारिया 9-4 फीसद दफ्तरें गी एहदे'नै जोड़ेआ गेदा ऐ। एहदे अलावा 20 जहार 580 सरकारी ई-मेल

आई.डी कायम कीतीआं गेदिआं न ते 11 जहार 375 वी.पी.एन कनैक्शन गी सक्षम करी दिते गेदे न। प्रशासन दा ध्यान हून परानी फाईलें गी स्कैन करने ते 100 फीसद यूजर्स गी एहदे दायरे हेठ आहनने पर केन्द्रित ऐ तांजे सेवाएं दी असरदार ढंग्गै सिर दस्तयाबी लेई समर्थ निर्माण यकीनी बनाया जाई सकै। इस पैहलकदमी दा मकसद फैसले लैने दी प्रक्रिया च तेजी आनना, पारदर्शिता यकीनी बनाना ते जोआबदेही तय करना बी ऐ।

<><><><><><>

Jammu Dekho Sabko Dikhao

जम्मू दे सैलसफा मैहकमे नै “जम्मू देखो, सबको दिखाओ” नां कन्नै इक्क दिलचस्प अभियान रम्भेया ऐ, जेदे राहें कन्टेंट क्रिएटर्स ते इन्फ्लुएंसर्स गी साददा दिता गया जे ओह खिते दियें ऐसी बेगौरी थाहरें दा पता लाइयै उनेंगी लोकें दे सामने आनन, जेड़ियां कुदरती खूबसूरती कन्नै भरोची दियां न। जम्मू दे आध्यात्मिक, सांस्कृतिक, कुदरती ते विरासत आकर्षणें गी उजागर करने दे मकसद कन्नै रम्भे गेदे इस अभियान दे तैहत बड़ी रियायती दरें पर बक्ख-बक्ख थ्हारें दे दौरें दी सेवा उपलब्ध करोआई जाग। इस दरान प्रतिभागी बड़े उच्चे म्यार आहली सामग्री जियां वीडियो, रील ते ब्लॉग्स बगैरा तयार करदे होई अपने अनुभव बी इन्दे कन्नै सांझे करगंन। प्रतिभागियें दे रौहने-बौहने, यात्रा ते साज-समेयान दा सारा बंदोबस्त सैलसफा मैहकमे आसेया कीता जाग। मुख्य भरै दे क्रिएटरें गी एह साददा दिता गया ऐ जे ओह इस अभियान कन्नै जुड़न ते जम्मू दी खूबसूरती गी दुनिया तगर पजाने दा कम्म करन।

<><><><><><>

युवा सेवाएं ते खेड्डें सरबन्धी विभाग आसेआ रामबन च अंतर-स्कूल जिला स्तरी खेड्ड मुकाबले दा आयोजन कीता जा'रदा ऐ जेहदे च 14, 16 ते 19 बरे शा घट्ट उम्री च मुक्केबाजी आहली श्रेणिं तैहत जागत ते कुड़ियां हिस्सा लै करदिआं न। जिले दे सब्भनें 6 ज़ोनें थमां विद्यार्थी पूरी सरगर्मी कन्ने इस प्रतियोगिता च अपना दम-खम दस्सा करदे न। इ'नें युवा खड्डारिं दा दिल बधाया जा'रदा ऐ जे ओह अपनी काबलियत च होर निखार आहिन्नयै अगगे प्रदेश स्तर, राश्ट्री स्तर ते अंतराश्ट्री स्तर तोहड़ी पुज्जन ते एहदे लेई जिला प्रशासन दी तरफा उ'नेंगी पूरा-पूरा सैहयोग दिता जा'रदा ऐ। इस प्रतियोगिता दे राहें नशा मुक्त भारत अभियान गी बी बढ़ावा दिता जा'रदा ऐ ते विद्यार्थीं गी प्रेरित कीता जा करदा ऐ जे ओह नशे शा दूर रौहदे होई इक सेहतमंद जीवनशैली गी अपनान।

<><><><><><>